



POSLJEDNJA DŽAMIJA IZGRAĐENA NA PODRUČJU PEĆIGRADA STARA VIŠE OD 250 GODINA

Ideja o izgradnji nove džamije na području Pećigrada nastala je davno, međutim sa realizacijom se počelo 2017. godine, a iako se u njoj već godinu i više dana obavljaju namazi i svi vjerski obredi, zvanično otvorenje je održano s dvogodišnjim zakašnjenjem. Razlog tome su pandemijske zabrane u proteklom periodu. Ono što je važno reći jeste da je posljednja džamija koja je izgrađena na području Pećigrada stara više od 250 godina i datira iz vremena Osmanske uprave na ovim prostorima. Njena dotrajalost, ali i činjenica da je smještena na starom gradu u Pećigradu, daleko je od mještana sela koje se teritorijalno proširilo, bili su dodatni razlozi izgradnje nove pećigradske džamije. – Ovaj objekat je od izuzetne važnosti za ovo mjesto, prije svega što je spušten sa Starog grada ovdje u centar, zbog same magistralne ceste koja prolazi, samim tim je na dometu putnicima prolaznicima koji dolaze, kaže Vahid ef. Ljubijankić, imam džemata Pećigrad. -Mi iz Islamske zajednice smo uvrstili ovaj objekat u našu imovinu i pokušaćemo zajedno sa Muslimanima ovoga džemata da brinemo o njoj kako bi ona opstala u svoj onoj njenoj kvaliteti kakve one u tradiciji Muslimana imaju, kaže Ismail ef. Smajlović, direktor Uprave za vjerske poslove Rijasetu Islamske zajednice u Bosni i Hercegovini.

Tekst i slike obradio: Igor Pečenkovic dipl.ecc.hot.

Izvori: JU „Zavod za zaštitu kulturnog naslijeđa Bihać“ popisni registar,“Stari gradovi Unsko-sanskog kantona“ Zavod za zaštitu kulturnog naslijeđa Bihać i Muzej Unsko-sanskog kantona,februar 2009, internet, <http://old.kons.gov.ba/>

